



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Societatis Iesv Sive Propvgnacvlvm: Pontificum,
Conciliorum, Cardinalium, Antistitum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Hieron. Ormachea Guerrero n. 48

urn:nbn:de:hbz:466:1-38486

spanum (*Ignatium*) virtutibus insignem, vnâ cum strenuissimis Socijs tanquam fortissimum Athletam promouisse, vt sponsam suam Ecclesiam aduersus iniquum Martinum Lutherum, eiusque sequaces infestis eam hæresibus afflictantes, Christi fideles à pœnitentia, Sacramentorum frequentatione & Summi Pontificis Romani obediencia auertentes restauraret, pœnitentiam prædicando, frequentiam Sacramentorum inducendo, & Summi Pontificis obedienciam præsertim circa Missiones ad Turcas, & alios infideles proficendo, &c.

Eius filij strenuissimi, contra Lutherum & sequaces.

48. AB HIERON. ORMACHEA GVERRERO *Ecclesiarum Lucronensis, & Albendensis Canonico Magistrali scriptoreque erudito. Tom. 1. in Cant. Prolog. 3. num. 192. ubi postquam probauit Ignatium velut alterum Paulum ad bonum Vniuersale totius Orbis, totius Ecclesie, Gentilitatis Indicæ, ad hæreses expugnandas, & Religionem Illustrissimam Societatis IESV in lucem edendam, natum; statim num. 193. subiungit.* Præter alios insignes scopos, quos diuina collineauit sapientia in Ignatij Sanctissimi Ortu, & Societatis IESV fundacione hic fuit, vt tam ipse, quam ipsius filij in hoc sæculo, atque tempestate piam de Beatissimæ MARIÆ immaculata Conceptione sententiam promouerent, scriberent, prædicarent; impossibile erit omnino ad calculos reuocare scriptores doctissimos, qui intra huius non dum centenarij spatium varios, de Conceptione, aut libros integros, aut iustos edidere Tractatus, &c. *Et postea Cap. 6. num. 64. Non possum (inquit) non Sanctissimam Societatis IESV Religionem admirari in hoc mutui amoris compage præstantem. Multa habet hæc Religio insignis encomia, sed ob hanc virtutem debet ab omnibus pene adorari; verè operibus & nomine Societas colligata, ita vt in vnoquoque ipsius Religioso omnem Societatem, & in tota Societate vnumquemque cognoscas: Ex hoc mutuo inter ipsos amore tanquam ex fonte, & in Sanctitate profectus, & copiosa omni genere literarum scaturigo manauit. Si vnum solummodo Iesuitam vidi,*

Ille natus ad bonum Vniuersale totius Ecclesie.

Et ad fundandam Religionem illustrissimam.

Qua pro scopo habet piam de Virginis Conceptione sententiam promouere.

Quam sit præstans in mutuo suorum amore.

disti, fac te vnico intuitu totam Iesuiticam adspexisse familiam. *Haectenus ille. Nil sane in mutui amoris Iesuitici commendationem illustrius, nil honorificentius.*

49. AB HONOPHRIO MANESCAL, *Doctore Barcinonense, Rectoreque Parochialis S. Andrea, Tomo suo Concionum, Concione de Circumcis. à fol. mihi 150.* In Angelo (*inquit*) Philadelphiae, qui amorem fraternum designat, hanc Societatem indicari, haud difficile credet, qui aduerter arctissimum amoris vinculum, quo se Patres, & fratres huius Religionis, ob eiusdem Instituti communionem, non sine omnium maxima admiratione complectuntur. Quia vero hæc Religio ad prædicandum Christi Euangelium, & Christi fidem missa est, proinde huic Angelo huius Religionis typo, & figura proponitur, &c. Rupertus, Donum intellectus huic Angelo promitti existimat significatum per Clauem David: quod quidem huic Religioni conuenire, quis vsque adeo rationis expers est, quod id non videat? Nam omnium artium, & scientiarum cognitionem, quæ decent virum religiosum probe callent, vt ex innumeris Commentarijs in S. Thomam, & Sacram Scripturam, quos quotidie in lucem edunt, constare cuilibet potest. Quia vero sibi tantum nati non sunt, munus docendi sic susceperunt, vt ad hoc videantur nati. Quare merito (*addit fol. 151.*) hi Patres non tantum intra domesticos parietes, sed publicis gymnasijs apertis adolecentes instruunt, & docent maximo cum omnium ingenti fructu, & vtilitate. Videntur dubio procul habere Clauem David, hoc est intellectus donum. Hoc prædicant innumeri eorum discipuli, hoc testantur innumera eorum scripta, quibus Sacrosanctam Theologiam illustrarunt, & alia quamplurima, quæ quotidie in lucem prodeunt. Quod vero ad sanctitatem, veritatem, & fidelitatem huius Religionis spectat, certius est, & apertius quàm ostendi debeat. Ac primum si de Paupertate agatur, maximè illi conuenit, quod S. Vincentius Ferrer in suo vaticinio prædixit, fore scilicet pauperrimos, quia in singulari

In Angelo
Philadel-
phiae desi-
gnata.
Apoc. 3. 7.

Habet sapi-
entia
clauem.

Quam
Gymnasijs
calamo, &
voce mani-
festat.

Laudatur
ex virtuti-
bus, prae-
cipue pau-
peritate,
Castitate,
& obedi-
entia.